

方症會要  
二



方症會要卷二目錄

哮喘

瘧症

附似瘧數症

霍亂

泄瀉

痢疾

嘔吐

膈噎

飢逆

吞酸吐酸

漕雜噯氣

痞滿

腫脹

鼓症

積聚痞塊癥瘕瘵癖腸脾石瘕



# 哮喘

肺爲五臟華蓋主持諸氣肺氣受傷呼吸之息不得宣通則哮喘之病生焉哮喘以聲响言喘以氣息言喘促喉中如水雞聲者謂之哮喘氣促而連續不能以息者謂之喘喘有虛實皆由痰火內鬱風寒外束而致風寒外束而喘者此外感有餘脈多浮大宜解表而喘自除九味羌活加減有風痰上逆作喘喘動便有痰聲脈多浮滑治先降氣氣降則痰清二陳加痰藥有火炎上喘者乍進乍退得食卽減食已卽發此胃



中有實火膈上有稠痰有餘之喘也脉洪數疾二陳  
加芩連梔子不可作胃虛妄投燥熱藥有陰虛者自  
臍下火起上逆而喘脉弦數細四物加知柏芩有氣  
上逆而喘者蘇子降氣湯氣虛及病久者脉軟弱無  
力宜補中益氣六君子湯或五味子湯加白朮或生  
脉散加阿膠氣實因服補藥而喘者三拗湯有水逆  
作喘者脉沉瀦宜小青龍半夏湯但氣虛發喘必自  
汗出陰虛發喘者疾行則喘甚靜坐則喘息此秘驗  
也凡人喘未發時以扶正氣爲主已發以攻邪爲主

哮喘專主於痰實者宜用吐法亦有虛而不可吐者  
治哮喘必使淡滋味不可純用寒涼藥必兼散表用青  
州白丸子有效又有短氣不足以息者似喘但有虛  
有實不可作喘治虛者宜六君子加五味麥冬實者  
痰氣阻碍導痰湯腎虛不能捦氣者補腎丸金匱要  
畧云短氣不足以息者實也此言痰實內經曰言而  
微終日復言者此氣奪也是主虛言

凡遇喘有數症不治者 上喘下泄者死兩寸脉下

陷者死喘疾危篤鼻出冷氣者此肺絕也死身汗如

油喘而不休此亦陽氣脫也死若上喘而小便自利者亦死

前喘症 一風寒外束 一風痰上逆 一火盛炎

上 一陰虛發喘 一氣上逆而喘 一水逆作喘

喘病每年至寒卽發此爲常病不可峻攻須以疎風散表治之

九味羌活湯 治外感風寒發喘 方見瘟疫

二陳湯 治痰壅作喘 方見中風

四物湯 治陰虛喘



蘇子降氣湯 治氣上逆而喘

當歸 前胡 厚朴 陳皮 甘草 半夏麴

蘇子 薑三片 棗二枚

六君子湯 治氣虛發喘 方見中風

三拗湯 治氣虛悞服補藥發喘

小青龍湯 治水逆喘 方俱見咳嗽

小半夏湯 治胃虛喘

人參 五味 麥冬 杏仁 陳皮 生薑

生脉散 治久病氣虛喘



青州白丸子 治哮

半夏

七兩

南星

三兩

白附子

二兩

川烏

五錢去皮  
臍生用

右末以絹袋盛之井水擺渣盡爲度置磁盆中

晒夜露春晒五日夏三秋七冬十日去水晒乾候

至餅研細以占米糊丸如菜豆大每服十丸至十

五丸止薑湯下不拘時服如癱瘓風濕酒下若小

兒驚風及發哮或用薄荷或荊芥湯下三五丸

導痰湯 治痰阻短氣

補腎丸 治腎虛短氣



磁石

兔絲子

二兩

五味子

熟地

枸杞

楮實

子

覆盆子

肉蓯蓉

車前子

石斛

沉香

青鹽

右末煉蜜丸如桐子大

定喘湯

治肺虛感寒氣逆膈熱作哮喘

白菓

二十枚炒黃

黃芩

杏仁

一錢五分

桑皮

蘇子

甘草

麻黃

半夏

款花

一錢

薑二片

治小兒哮喘方

雞一個入蝸牛二條在內以紙封口煨熟待鹽油化

盡與服數十丸卽愈

治哮喘神驗方

天麻

桔梗

防風

半夏

枳壳

各七錢

硃砂

一分錢

青礞石

火煉存性

雄黃

二錢

胆星

一兩

巴豆霜

五分去油

右末清水丸粟米大小兒每用三分大人七分薑

湯下忌猪油



# 瘧症

瘧者虐也寒熱令人難當故以瘧名內經曰瘧之始發也陽氣併於陰則陽虛而陰盛外無陽氣故先寒慄也陰氣逆極則復出之陽陽與陰併之於外則陰虛而陽實故先熱而後渴又曰衛氣者晝行於陽夜行於陰邪氣得陽而外出得陰而內薄內外相搏是以日作其間日而作者何也其邪氣之舍深內搏於陰陽氣獨發陰邪內着陰與陽爭不得出是以間日而作也故先傷於寒後傷於風則先寒而後熱名曰



寒瘧先傷於風後傷於寒則先熱而後寒名曰瘟瘧  
其但熱而不寒者陰氣內守陽氣獨發則少氣煩冤  
手足熱而欲嘔名曰痺瘧此內經言得瘧之由臨發  
之故昭著詳悉然此得指風寒二症言之後世嗜慾  
日滋故於風寒之外又有暑瘧有痰瘧有熱瘧有食  
瘧有虛瘧有濕瘧有疰瘧有牝瘧暑瘧者脉虛身熱  
面垢背惡寒多汗清暑益氣湯人參香薷飲天水散  
痰瘧者發時便見痰聲或咳嗽或湧喘二陳湯四獸  
飲加黃芩柴胡貝母蘇子等藥熱瘧者獨熱不寒頻

渴頻飲煩燥如狂黃連解毒湯三黃石膏湯小柴胡  
去參加白虎湯食瘧者見食卽惡中焦悶鬱不舒必  
從飲食得來橘半枳朮大安丸或大安丸作湯加人  
參黃芩柴胡最當虛瘧者怠惰嗜卧不喜食嘔吐自  
汗補中益氣湯倍柴胡調中益氣湯倍白朮濕瘧者  
寒熱身重骨節煩痛脹滿自汗善嘔因汗出復浴濕  
含皮膚羌活勝濕湯蒼朮柴胡五苓散痃瘰者老瘧  
也或經數月或歷數年或血氣大虛或痰飲阻隔或  
瘧母痞塊虛者補之痰者化之痞塊者鼈甲散加補

藥以消之牝瘧者寒多不熱但慄戚振慄病以時作  
此則多感陰濕陽不能制陰也河間蒼朮湯漿水湯  
主之其先寒後熱者則用加減青皮飲先熱後寒者  
則用柴胡加減桂薑湯瘧瘧者卽熱瘧也治亦同法  
其前瘧症有夜發及薄暮發者此病在陰分必用血  
藥漸到陽分方愈丹溪曰無汗要有汗散邪爲主帶  
補有汗要無汗補正氣爲主帶散瘧家渴用生地麥  
冬花粉牛膝知母黃柏乾葛生甘草甚則加石膏一  
錢又曰瘧瘧三日一發陰經受病也其病難愈必先

與參朮陳皮白芍等劑佐以本經引用之藥若得汗而體虛又須重補俟汗通身過委中方是佳兆東垣曰夏月天氣上行秋月天氣下行治者當順天道如先寒後熱太陽陽明合病白虎加桂也此天氣上行宜用之若天氣下行則不宜瀉肺宜瀉命門相火則可矣二人之言至理存焉學者宜詳味之

瘧症附列

瘧症先熱後寒者何也瘧之寒熱皆由冬月外中風寒邪氣沉於皮膚藏於骨髓至夏秋暑熱腦髓燒灼

腠理開通邪氣自汗而出出則陰虛陽盛故大熱也  
邪氣復入則陽虛陰盛故大寒也瘧症先寒後熱者  
何也邪氣搏於陰中榮氣虛則衛氣入衛氣入則腠  
理空疎陽陷陰中故肌肉爲先寒也邪正交爭則體  
戰慄而寒然邪終不勝正故衛氣挾榮氣邪氣復居  
腠理陰從陽出由是混淆而成大熱也終則三氣各  
舍其位澌然汗出而瘧解矣卽亢則害承乃制之義  
也瘧瘧但熱而不寒也原感邪氣藏於皮膚分肉之  
間內不入於陰中陽氣獨發故也瘧瘧者榮衛俱病

中氣極虛故難愈凡瘧一日一發二三日一發者平  
人衛氣日行於陽廿五度夜行陰廿五度受邪輕則  
正氣未虛而行稍緩日與邪氣會遇遇卽作矣受邪  
甚則正氣傷位而行遲二三日始得一會故隔日發  
也發卽汗出爲中虛宜補終日無汗爲邪實且解表  
似瘧數症

有虛損勞瘵似瘧者每日午後惡寒發熱至晚亦得  
微汗而解脉必虛濡而數不大弦爲辨耳治當滋陰  
藥傷寒病八九日如瘧狀陽明病日晡發熱似瘧少